

مصطفى فؤاد الجيش ينتهك كافة حقوق الإنسان في سيناء



نافذة مصر

أكد مصطفى فؤاد" المدير التنفيذي لمركز هليوبوليس للدراسات السياسية وأبحاث حقوق الإنسان، في تدوينة له عبر حسابه الرسمي على الفيس بوك أن الجيش المصري ينتهك كافة حقوق الإنسان في سيناء وقال نصا

صديق لي في رفح بيحكلي عن تعامل القوات المسلحة مع أهالي سيناء ..هدم البيوت لا يقف . أي بيت معروف أنه فاضي بيتهد .. بيت أبناء عمومته فاضي بضع ساعات لأن العائلة كلها كانوا في زيارة لبيت تاني , رجعوا لاقوه مهدود ..أي بيت مافيهوش حد جواه بيتهد ..

أخته كانت جاية القاهرة مع زوجها وأطفالها .. اتضرب عليهم نار و العربية اتخرتت وزوجها اتصاب برصاصة في رجله والأطفال جالهم حالة هلع غير عادية لمجرد أنهم مشيوا في طريق بيمشي منه مدرعات الجيش .. وكان الطريق إتعمل عشان المدرعات بس هي اللي تمشي منه العربيات بتاعت الناس لأ .. واللي يعدي بتضرب بالنار .

بيعادوا أهالي سيناء بلا سبب .. وبعد كده يرجعوا يقولوا بتوع سيناء دول مش مصريين ودول ارهابيين و دول و دول و دول .. ملف سيناء عايز حد عاقل ,, ومصر مافيهاش حد عاقل تقريباً